

Liebe/r Leser/in, Begriffserklärungen finden sich unter folgendem Link:
<http://www.katzbach.com/images/stories/pdf/Briefprokoll-Erklarungen.pdf>

[.....]

Kauf P[e]r: 300. f: vnnd .2. f: 30. x:
leÿkhauff

Michael Meixlsperger von Heislern vnnd Wal=
burga dessen Eheweib, bekhennen: vnnd

.225.

verkhauffen mit Consens des churf[ü]r[s]tl:[ichen] Pflegambts
alhier, ihr eine Zeitlang Erbrechtsweis inge=
habte Söldten Zu ernanten Heislern, mit all
dessen Rechtlichen ein: vnnd Zuegehörungen,
Zu dorf vnnd Veldt, nichts hieruon besond=
ert: noch ausgenommen, s gleich sye selbige
ingehabt, genuetzt: vnnd genossen haben, von
welcher iehrlich besagt churfrtl: Pfleg=
ambt Zu Georgi oder Michaeli .43. x:
.6. hl. Züns, .1. Fas[t]nachthennen: vnnd .3. Pfundt
Hofschmalz verraicht: dann .1. tag Mähnen
.1. Heugen .2. schneidten: vnnd .1. tag Hachkenschar=
werch Verricht:[et] oder das Gelt dafür be=
zalt werden mues, auch im ybrigen aldahin
mit der Manschaft, Rais, Steuer, Scharwerch
Zum Schloß, vf begebenen Verenderungsfahl
mit dem zehenten Pfening Handtlang, dann
dem ganzen gehent zum Ambt, vnnd all annd[ere]n
Pottmessigkheiten vnnderworfen: vnnd beÿ=
gethan ist. Dem Erbahren Geörgen Haus=
ner von Heislern vnnd Anna dessen Eheweib
deren Erben vnnd Nachkhommen, vmb .200. f:
dann absonnderlich .2. oxen .1. Kalmb .1. Wag[en]
.1. pflueg .1. Eÿdten, vnnd .3. Ketten, Jtem
von dem heurigen Wüntter Gethraidt .2.
V[i]ertl .1. Mezen khorn, vnnd zur dermahligen
Sommerbesambung .1 ½. Viertel Haabern nit=

weniger die ybrig Vorhandtene Haus:
vnnd Paumanns Vahrnus pr: .100. f: zesamben
aber in einer Summa vmb: vnnd Pr: .300. f:
sambt .2. f: 30. x: gleich bezalten leÿkhauff,
welchen Kaufschilling der Kauffer Volgenter=
gestalten Zubezahlen Versprochen, Als
Erstlichen Zur Angab negstkhommente Jacobi
.100. f: dann will er zu solcher Zeit .1710.

Zur Nachfrist .10. f: erlegen: vnnd mit
solchen Jehrlich solang continuirn bis der
völlige Kaufschilling allerdings abgeführt:
vnnd bezalt sein würdt. Deme in ain:
so anndern nachzekommen, haben beede
thail beÿ Gericht handtstreichlich hieriber
angelobt. Geschehen den .30.
Aprill anno .1709.

Testes

Hanns Grueber: vnnd Geörg Plazer
beede von Kazbach

Ausnamb

Vorgedacht Verkhauffente Eheleith haben
ihnnen beÿ der vnnder heuntigen

.226.

dato Geörgen Hausner Verkhaufften Söldten
volgents Zur Leibgeding ausgenommen. Als

Erstlichen die freÿe Herberg vf des Kauffers
wohnstuben, solten: oder wolten sich beede
thail nit miteinander Vertragen, hetten
sÿe beede thail mit Gleicher handt ein Neben=
stibl für sÿe Verkhauffere richten Z[u]lassen, auch
mit Gleichheit die benöttigte behilz: [Behölung] vnnd be=
liechtung herberg geschaffen, solten die Ver=
khauffere aber alters: oder Vnbesslichkeit fal=
len die helffte behilz: vnnd beliechtung nit mehr
beÿtragen können, so ist Kauffer schuldig ain
solches alleinig zethuen.

Annderns zu deren vnnderhalt Jehrlich .10.
Mezen khorn, dann .5. Mezen Sommer Ge=
thraidt die helffte an haabern: vnnd die helffte
an Gersten alles Waldtmünchnermass Zuuer=
raichen.

Drittens Zu vnnderhaltung einer Khue ainen
ausgesteckhten fleckh in der Lanngen wis, dan
.25. Schidt haaber: vnnd .25. Schidt Rockhen
Stro[h], neben der betirfftigen Gräsereÿ
vf deren Rainen. Dann

Viertens die Stalung zu obiger Khue,

neben ainer Gais: vnnd ainen Schweinl
Zuÿberlassen, nitweniger

Fünfftens zur Schmalsath .12. Pifang Veldt,
an orth vnnd endt wo Kauffer dis seinige
hat, nit die lengsten: auch nit die Kirzisten, Jtem
das Völlig vnndere sambgärtl, solte

Sechstens: vnnd Leztens vnnder beeden Ehe=
leithen eines: vor dem anndern mit todt
abgehen, so falt an der beschribenen Aus=
namb weitter nichts als .2. Mezen Khorn,
nach beeden ableiben aber, falt all vorig be=
schribene Ausnamb wider Völlig Zur Söldt[en]
vnnd solle niemandt nichts mehr Zu protentirn
haben. Deme dann in ain: so anndern
nachzekommen, haben beede thail beÿ Ge=
richt hieriber handstreichlich angelobt,
actum: et testes vt supra.

[.....]

.227.

[.....]

© Transkription by Josef Ederer Katzbach 33

Datei: 00052-Staam_2018-12-20_12-20-46